

1981

Si hei sech lehre kenne 1981  
a re Demo vor der Ritthau z'Bärn  
Deheime het si geit si göng mit ere Fründin wäg  
u vilicht blibi si de über d'Nacht grad dört  
Si isch fasziniert gsi vo däm bunte Tribe  
u si isch überzügt gsi: hie entsteit e nöii Wält!  
„Jitz mache mir us em Staat Gurkesalat,  
wüu Grönland isch überall!“

Irgend einisch si di erschte Steine gfloge  
u d'Wält isch explodiert!  
da nimmt är sie eifach a dr Hand  
u seit: „chumm mir houe ab!“  
Im nächschte beschte Husiigang hei si sich küsst,  
aus hätt's nie öppis anders gä  
när si grennt dür di ganzi Stadt  
u si isch bi ihm blibe e heisse Summer lang

**Ref**                    **Mängisch dänkt si**  
                              **wo si au di Utopie blibe?**  
                              **au di Tröim u di Ideal**  
                              **vore bessere Wäut?**

Sider här si me aus driissg Jahr vergange  
u si dänkt hüt chuum me dra  
Ihri Giele si jitz im gliiche Auter  
wi si denn isch gsi  
Si wohne im ne Hüsli vor dr Stadt  
u ihre Maa dä schaffet bim Kanton.  
Si hei nid d schlage, s'louft aues rund  
u es längt für zwöi Mau Ferie im Jahr

Mängisch, wenn's still isch im Huus  
u si mit em ne Glas Wii uf em Balkon sitzt  
de chöme ihre di aute Gschichte i Sinn  
u das Gfüehl vo däre unbeschwärte Zyt  
Si nimmt no e Schluck us em Glas  
u luegt zu de Liechter vo dr Stadt  
„üsi Wäut isch nid mönschlecher worde  
u Tröim, di ghöre i d'Nacht!“

**Mängisch dänkt si**  
**wo si au di Utopie blibe?**  
**au di Tröim u di Ideal**  
**vore bessere Wäut?**  
**Hei mir üs la choufe**  
**für das bitzi Sicherheit?**  
**hei mir üs la verbiege**  
**vom ne bitzi Gäud?**